



Rabu, 09 Oktober 2024
Ogen: Sakaria 14:12-19



"Tukum Alu Pinakit"



Kegeluhén si la ngikuti entah pe ngelanggar aturen tentu ndatken ukumen; kegeluhén si erbana-bana tentu ndatken hasil si la jore; kegeluhén si perate-ate hasilna pe la erturi-turin; kegeluhén si mekeng dengen ngukurken kepentingenna saja hasilna maba keguluten. Bage me proses perdalanan kegeluhén i tengah-tengah doni enda. Ise si la ngikutken dengen ngelanggar aturen e tentu ndatken ukumen nandangi kai si ilanggarna e. Misalna: adi lit pinakit bas daging kulanta entah pe naik kolestrolta, tentu pantangenna e me ula mbue man daging merah entah pe kurangi pangan si cepat saji, dikune aturen/pantangan e si langgar, tentuna labo kita ersehatna tapi reh gulutna. Erkiniteken pe bage, selaku warga gereja lit aturen-aturen si nggo iaturken bas tata gerejanta; dikune aturen e ilanggar entah la si ikuti, tentu sialoken persinget janah di kune persinget e la idalanken sialoken me ukumen arah gereja nari. Misalna: la banci erlua-lua; erkiteken kerincuhén dagingta silanggar me aturen e; tentuna pihak gereja mpersingeti kita, dikune si abaiken persinget e tentu kita ndatken ukumen/pedauh la ersibar.

Bangsa si lit i sekelewet bangsa Israel, si la ngikuti aturen si ibahan Dibata guna ipatuhina; ndatken ukumen. Ukumen si ibahan Dibata e me pinakit si mekelek, dagingna macik tupung nggeluh denga, matana macik dengen dilahna pe macik; la terjeng bage kerina asuh-asuhén si lit bas perkemahenna pe kerina kena pinakit. Ukumen si ibahan Dibata man bangsa Mesir erkiteken bangsa e la ngikuti pedah dengen aturen si nggo ibahan Dibata guna idalanken.

Iukum alu pinakit e me tema wari enda, tentuna arah tema enda ngajuk kita kerina Moria gelah nggeluh i bas aturen si nggo ibahan, subuk aturen i bas gereja, persadaan kategorial Moria bage pe aturen i tengah-tengah masyarakat. Tetaplah si ngikuti dengen ndalanken aturen e, gelah kita mejuah-juah.

➤ *Dalanken jenari ikuti aturen, gelah malem ateta*